

Baketik-en bideoteka

Baketik-ek geurekin eta besteekin etikoki bizitzearekin zerikusia duten filmen eta dokumentalen bideoteka bat sortu du. Helburu hezigarria dauka soilik, ez komertziala. Baketik-ek doan uzten dizkie pelikulak eskatzen dituztenei: ikastetxeak, aisialdi taldeak, parrokiak, GKEak, mota guztietako elkarteak, familiak, lagun taldeak... Pelikula bakoitzak hau bezalako gida lagun taldeak... Pelikula bakoitzak hau bezalako gida didaktiko bat darama. Edukiari buruzko azterketa eta gogoeta erraztea du xede. Gida bakoitzean pelikula ikusi duen Baketik-eko kolaboratzaile batek bi atal egin ditu: «gaia» eta «galderak pelikula ikusi aurretik eta ondoren». Hau da pertsona honek pelikula ikusteko egiten digun iradokizuna. Nahi izanez gero, zeuk ere parte har dezakezu gustatu zaizkizun zenbait pelikulen iritziak bidalita. (Informazio gehiago www.baketik.org webgunean)

¡Rompe Ralph!

Fitxa teknikoa

JATORRIZKO IZENBURUA: Wreck-It Ralph.
URTEA: 2012.
IRAUPENA: 101 min.
HERRIALDEA: AEB.
ZUZENDARIA: Rich Moore.

AKTORE-ZERRENDA: Animazioa.
EKOIZPEN-ETXEA: Walt Disney Animation Studios.

Sinopsia

Zenbait hamarkadetan, Repara-Félix Jr. bere bideo-jokoaren mutil onaren itzalpean bizi izan da Ralph. Istorioaren mutil txarra izateaz nekatuta gaia bere esku handietan hartzea erabakitzen du eta bidai bat egiten hasten da bideo-jokoan belaualdietan zehar bera ere heroi bat izan daitekeela erakutsi nahiean munduari.

Gaiak

Esker ona, konfiantza, adiskidetasuna

Esker ona. Batzuetan muturreko egoera batek gogoeta egitera eta geure bizitza opari gisa onartzera garamatza, etengabeko kexa izan beharrean. Pelikulako protagonistak ez du bere «zeregina» onartzen bere egitekoa besteentzat zinez garrantzitsua dela jabetzen ez den arte.

Konfiantza. Pertsonaiak bidai handi bat egiten du bere buruarengan eta besteengan konfiantza berreskuratuz.

Adiskidetasuna. Abentura honen bidez, Ralph eta besteak adiskidetasunaren balioaz eta batzuk besteengandik duten beharraz jabetzen dira.

Filma ikusteko eta entzuteko iradokizunak

Pelikula bat modu askotara ikus eta entzun daiteke. Erreferentzi puntu batzuk eskaintzen ditugu. Zehazki pelikula modu honetara ikustea eta entzutea iradokitzen dizugu:

...barrura begira. Gutako bakoitzari esanguratsu egiten zaigun horri buruz eta gure bizitzan bertan sorrarazten dizkigun galderei buruz hausnartu. Helburua ez da betirako erantzunak aurkitzea, uzten dizkigun arrastoei erreparatzea baizik.

...kanpora begira. Taldean edota familian elkarriketa sustatu. Kontua ez da ondorioetara iristea. Hauteman eta sentitu duguna konpartitzea, eta besteen hautemate ezberdina entzuten eta ulertzen saiatzea da.

...ez bakarrik arrazoiarekin, baita bihotzarekin ere. Une batez aurreiritzi ideologikoak eta edo aurrez ditugun ideiak albo batera utzi, pelikulak kontatzen digun horren harira, sentimenduek hitz egin dezaten.

...eta denbora baten buruan, berriz ere pentsatu. Adi erreparatu egun batzuen ostean pelikulak utzitako arrastoari. Arrasto hori ikusi dugunari buruzko hausnarketak eta istorioak gudan hartu duen biziak sortutako inpresioa da.

Zenbait galdera...

...pelikula ikusi aurretik

- Esker onari buruz: Ba al dakigu esker ona adierazten? Garena eta daukaguna eskertzen al dugu? Asko kexatzen al gara? Zertaz? Zer da errazagoa kexatzea edo eskertzea?
- Konfiantzari buruz: Zertan oinarritzen da konfiantza? Garrantzitsua al da konfiantza izatea? Zertan edo norengan dugu konfiantza? Konfiantzarik eduki gabe bizi al daiteke?
- Adiskidetasunari buruz: Zer baloratzen dugu lagunengan? Pertsonak etiketatzen al ditugu? Etiketatuek sentitzen al gara? Jokatzeko orduan baldintzatzen al gaitu besteek nola ikusten gaituzten?

...pelikula ikusi ondoren

- Nola definituko zenuke Ralph gogoko izango bazenu? Eta gogoko izango ez bazenu? Guztiek pentsatzen dute Ralph gaiztoa dela eta, hala ere, berak ona izan nahi du. Nola ikusten du bere burua? Jendeak pentsatzen duena eraginik ba al du beregan? Nola?
- Zergatik ez da fidatzen jendea Ralph-ez? Aurreiritziak al ditu? Zergatik fidatzen da amaieran? Zer da aldatu dena?
- Nola sentitzen da Ralph bazterten dutenean? Zein balio dauka beretzat adiskidetasunak? Zergatik laguntzen dio bazterten duen jendeari? Ralph aldatu al da? Edo besteak izan dira aldatu direnak? Nor fidatzen da Ralph-ez?

Elena Aranbarriren laguntzarekin.

Cine para *vivir y convivir*

¡Rompe Ralph!



baketik

EUSKO JAURLARITZA GOBIERNO VASCO
LEHENDAKARITZA PRESIDENCIA
Baketik-eko Eusko Jaurlaritzaren Kabineta eta Giza Eskubideen Zuzendaritza Sekretaría General para la Paz y la Convivencia
Dirección de Víctimas y Derechos Humanos

baketik

943-251005

www.baketik.org